

Kalean da 22. KORRIKA-kanta: HITZEKIN

FITXA TEKNIKOA:

Zuzendari artistikoa eta

musika: Nerea Urbizu

Kantariak: Nerea Urbizu, Ane Garcia, Anari

Letra: Sustrai Colina

Musikariak:

Ander Zulaika: bateria

Itsaso Etxebeste: baxua

Eñaut Gaztañaga: gitarrak

Nerea Urbizu: pianoa

► Adi irakurri, eta hiru datu faltsu topatuko dituzu:

Nerea Urbizu Ruiz (Lekunberri, 1950)

Musikaria da, eta, (1), Urko Oskozekin batera, *Ene Kantak* proiektuaren sortzaileetako bat. Bertan, musika, dantza (koreografiak), euskara eta irudiak uztartzen dituzte, haurren eta ez horren haurren gozamenarako. Hasiera batean, disko bat sortzea zuten helburu (2), baina urtebetean bigarrena egin zuten, eta konturatu gabe 2020an beren 9. lana argitaratu zuten. Nerea 2011ra arte aritu zen Larrabetzu herrian (Bizkaia) 2007an sortutako *Katamalo* folk- eta pop-taldean ere, Gorka Urbizu (*Berri Txarrak*) nebarekin batera, eta bi disko kaleratu zituzten. 2020. urtean, Nereak *Naizen* elkartearen abestia sortu zuen, hango gazte eta gurasoekin batera. *Urmuga* mendi-ibilbide musikatuan ere parte hartu du. (3), bera da 22. KORRIKAren *Hitzekin* kantaren sortzailea, baita zuzendari artistikoa (4); gainera, ahotsetako bat ere jarri du.

Sustrai Colina Akordarmenteria (Urruña, 1982)

Bertsolaria, bertso-irakaslea eta kazetaria da. Hitzak jarri dizkio 22. KORRIKAren kantari.



Irudian (AEK): Anari, Nerea eta Ane (musikari eta abeslariak)

Anari (Ana Rita Alberdi Santesteban; Azkoitia, 1970)

Euskal egile-abeslari bat da. 1997an hasi zen musika-munduan, eta orduz geroztik (5) bost disko plazaratu ditu, bai eta beste bat ere Petti musikari nafarrarekin (6). Doinu goibel eta bakartiak, hitz biluziak eta atmosfera ezerosoak erabili ohi ditu, eta oso kritika onak jaso ditu. Hainbat kantarirekin konparatu izan dute: PJ Harvey (zenbait girotan, *Euskal Herriko PJ Harvey* esan diote), Cat Power, Nick Cave... 2018an, Adarra Saria eman zioten (Iruñeko Udalaren saria, 2014an sortua, euskal musikan (7) ibilbide artistikoak omentzeko asmoz); sari hori irabazi duen lehen emakumea izan da Anari. (8), ahotsa jarri dio 22. KORRIKAren kantari.

Ane Garcia Lopez (Hondarribia, 1994)

Itzultzaile eta abeslari lapurtarra da. *Lurra* musika-taldeko abeslaria izan da, 2011-2017 (9). Iñigo Muguruzaren (*Kortatu, Negu Gorriak*) ikaslea izan zen; haren ahotsak liluratu zuen irakaslea, eta orduan bion artean *Lurra* taldea sortzea erabaki zuten, Carlos Zubikoa (*Apurtu, Sagarroi*) eta Ander Larrañagarekin batera, 2011. urtean Irunen. Popa, reggaea eta ska soinuak jorratzen zituzten; ibilbidean bi disko atera zituzten, harik eta 2017ko abuztuan azken kontzertua eman zuten arte, Zarautzen. Anek ahotsa jarri dio 22. KORRIKAren kantari.

► Azpimarra itzazu forma egokiak.



1. besterik gabe / besteak beste / bestetik
2. bakarra / bakarrik / soilik
3. Azkenaldian / Azkenekoz / Azkenik
4. ere / ere bai / _____
5. bakarrik / banaka / bakarkako
6. elkarlanean / elkar / elkarrekin
7. eginda / egindako / egin du
8. horrez gain / dena den / edonola ere
9. artean / arte / tarteko

HITZEKIN (kanta)

Hitz ekin, hitz ekin, hitz ekin...

Oinetakoak lotu
(e)ta utzi oinei *libre*¹,
belarretan²
.....³ bide.

Mapetatik⁴,
mundu⁵ dago.
Sentitutakoa...
Sentitu (e)ta hitz ekin.

(E)ta berriro egin
Korrika zurekin,
.....⁶⁷
elkarren ederrez.
(E)ta berriro egin
mundua zurekin...

.....⁸ kantari
ibiltzen ikasi;
ez egon⁹¹⁰
(e)ta korrika hasi.
Berdin da non hasten den, orain beti da hemen.
Pentsatutakoa...
Pentsatu (e)ta hitz ekin.

(E)ta berriro egin
Korrika zurekin
.....⁶⁷
elkarren ederrez.
(E)ta berriro egin
mundua zurekin
beti baitago norbait hitz¹¹ prest.

Hitz ekin, hitz ekin, hitz ekin....

Neguko eguzkitan
.....¹² azala;
beti¹³ dagonak
.....¹⁴ sor dezala.
Bizitza jendea da (e)ta jendea gara.
Sentitu, pentsatu...
Sentitu, pentsatu, hitz ekin.

Hitz ekin, hitz ekin, hitz ekin...
Zurekin... Hitz ekin, zurekin...



HIZTEGITXOA:



Lagunduko diguzu kanta eta hiztegitxoa osatzen?

1. *Libre* : loturarik gabe
2. : oinutsik
3. : bihurtzen
4. : kanpo, urruti
5. : anitz
6. : eztenak, "pintxoak"
7. : ateratzeko
8. : euriaren azpian
9. : euria egiteari utzi
10. : itxaroten
11. : egiten hasteko
12. : biluztu
13. : zalantzarik gabe
14. : zalantza

Aukerak:

Erantzi	Harago	Ortozik
Asko	Duda	Euripean
Bilakatzen	<i>Libre</i>	Ziur
Arantzak	Erauzteko	Atertu
	Zain	Ekiteko



Nerea Urbizu Ruiz



**Anari
(Ana Rita Alberdi)**



Ane Gartzia Lopez



**Sustrai Colina
Akordarrementeria**

ERANTZUN ZUZENAK (AZPIMARRATUTA):**HIRU DATU FALTSUAK BIOGRAFIETAN:**

1. Nerea Urbizu Ruiz ez zen 1950. urtean jaio, **1980an** baizik.
2. Ane Garcia Lopez ez da lapurtarra, **gipuzkoarra** baizik, Hondarribikoa.
3. **Truñeko Udalak** ez du euskal musikan egindako ibilbide artistikorik omentzen, nahi bai! Donostiako Udalak ematen ditu sari horiek.

HUTSUNEAK BIOGRAFIETAN:

- | | |
|--|--|
| 1. besterik gabe / besteak beste / bestetik | 6. elkarlanean / elkar / elkarrekin |
| 2. bakarra / bakarrik / soilik | 7. eginda / egindako / egina du |
| 3. Azkenaldian / Azkenekoz / Azkenik | 8. horrez gain / dena den / edonola ere |
| 4. ere / ere bai / _____ | 9. artean / arte / tarteko |
| 5. bakarrik / banaka / bakarkako | |

KANTA (HIZTEGITXOA):

- | | | |
|--------------------------|----------------------------------|-----------------------------|
| 1. Libre: loturarik gabe | 6. Arantzak: eztenak, "pintxoak" | 11. Ekiteko: egiten hasteko |
| 2. Ortozik: oinutsik | 7. Erauzteko: ateratzeko | 12. Erantzi: biluztu |
| 3. Bilakatzen: bihurtzen | 8. Euripean: euriaren azpian | 13. Ziur: zalantzarik gabe |
| 4. Harago: kanpo, urruti | 9. Atertu: euria egiteari utzi | 14. Duda: zalantza |
| 5. Askok: anitz | 10. Zain: itxaroten | |

BIDOKLIPA ETA KORRIKA-KANTAK:

- ▶ IKusi 22. KORRIKAren bideoklipa, ea gustatzen zaizun!
<https://www.youtube.com/watch?v=nNAsgjgmHIk&t=3s> (22. KORRIKA-kanta)
- ▶ Prestatu zure iritzia tutore edo ikaskideei azaltzeko.
- ▶ Erronka: ea ikasten duzun 22. KORRIKA-kanta buruz (4. or.).
- ▶ Beste urteetako KORRIKA-kantak entzun nahi badituzu, hemen dituzu:
<https://www.argia.eus/albistea/korrika-abesti-guztien-bilduma>